

Acta da Xunta de Goberno correspondente á extraordinaria do 11 de agosto de 2017

No Pazo da Deputación Provincial de Ourense, o once de agosto do ano dous mil dezasete, ás nove horas, reúnese a Xunta de Goberno da Deputación baixo a presidencia de don Rosendo Luis Fernández Fernández (vicepresidente 1º), en substitución do titular don José Manuel Baltar Blanco, presidente da mencionada Deputación -que como tal é da Xunta-, cos deputados/as, don Jorge Pumar Tesouro, don Pablo Pérez Pérez, don Manuel Doval Soto, dona Ana M.^a Villarino Pardo, dona Montserrat Lama Nóvoa e don Juan Anta Rodríguez, os que constitúen a maioría absoluta da devandita xunta, co fin de que teña lugar sesión extraordinaria en primeira convocatoria e tratar nela os asuntos que figuraban na orde do día.

Asiste o interventor accidental, don José Mosquera Casero, xefe do Servizo de Intervención, e dá fe do acto, o vicesecretario xeral, don Juan Marquina Fuentes.

Non asiste á sesión o deputado provincial don Plácido Álvarez Dobaño, que escusa a súa ausencia.

Unha vez aberta a sesión pola Presidencia á mencionada hora, e despois do correspondente estudo e deliberación, adoptáronse os seguintes acordos:

1.- ACTA DA SESIÓN ANTERIOR, ORDINARIA, DO DÍA 7 DE AGOSTO DE 2017.-

Unha vez examinada a acta da sesión ordinaria que tivo lugar o día sete de agosto de dous mil dezasete, a **Xunta de Goberno** da Deputación **acordou**, por unanimidade, a súa aprobación, sen observacións.

2.- MODIFICACIÓN DO PLAN PROVINCIAL DE COOPERACIÓN ÁS OBRAS E SERVIZOS MUNICIPAIS E DA REDE VIARIA PROVINCIAL DO EXERCICIO 2017, RELATIVA Á OBRA MUNICIPAL N.º 32/POS/2017

NO TERMO MUNICIPAL DE CORTEGADA.- Á vista da solicitude formulada polo Concello de Cortegada, tendo en conta o informe favorable do xefe do Servizo de Investimentos, Subvencións e Patrimonio, e de conformidade coa proposta formulada, a **Xunta de Goberno**, por unanimidade, **adopta** o seguinte **acordo**:

Modifica-lo Plan provincial de cooperación ás obras e servizos municipais e da rede viaria provincial do exercicio 2017 no relativo ó concello de Cortegada, nos seguintes termos:

1º.- Reduci-lo orzamento de contrata da obra n.º 32/POS2017, denominada “entronque con estrada OU-0801” ata 25.000,00 euros, financiada pola Deputación o 100%.

Acta da Xunta de Goberno correspondente á extraordinaria do 11 de agosto de 2017
--

2º.- *Dar de alta no plan provincial, co n.º 130/POS/2017, a obra denominada “urbanización de viarios do parque empresarial de Cortegada, fase II”, cun orzamento de 150.000,00 euros e unha achega provincial de 30.000,00 euros.*

3.- MODIFICACIÓN DO PLAN PROVINCIAL DE COOPERACIÓN ÁS OBRAS E SERVIZOS MUNICIPAIS E DA REDE VIARIA PROVINCIAL DO EXERCICIO 2017, RELATIVA Á OBRA MUNICIPAL N.º 36/POS/2017 NO TERMO MUNICIPAL DE ESGOS.

Á vista da solicitude formulada polo Concello de Esgos, tendo en conta o informe favorable do xefe do Servizo de Investimentos, Subvencións e Patrimonio, e de conformidade coa proposta formulada, a **Xunta de Goberno**, por unanimidade, **adopta** o seguinte **acordo**:

Modifica-lo Plan provincial de cooperación ás obras e servizos municipais e da rede viaria provincial do exercicio 2017 no relativo ó concello de Esgos, incorporando ó plan a obra “Conexión Pardeconde-Xaravedra” –en substitución da obra “Construción de velorio municipal en Esgos”-, co número da obra 36/POS/2017 e un orzamento de execución da actuación de 55.000,00 euros.

4.- APROBACIÓN DE SUBVENCIÓN Á DIOCESE DE OURENSE.- No Pleno, con data 29 de xaneiro de 2017, acordouse aprobar o expediente n.º 1/2017 de modificación das bases de execución do actual orzamento, figurando con cargo á aplicación orzamentaria 334.20/489.23, a cantidade de 15.000,00 euros a favor do Bispado, para atención ao Arquivo Diocesano.

Unha vez vista a solicitude formulada polo representante da mencionada entidade, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención á Diocese de Ourense, nos seguintes termos:

-Importe: 15.000,00 euros.

-Obxecto: atención ao Arquivo Diocesano.

-Xustificación: a subvención xustificárase mediante a presentación da conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e o artigo 75 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente.

Acta da Xunta de Goberno correspondente á extraordinaria do 11 de agosto de 2017

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 30 de novembro de 2017.

5.- APROBACIÓN DE SUBVENCIÓN Á DIOCESE DE OURENSE.- No Pleno, con data 29 de xaneiro de 2016, con cargo á aplicación orzamentaria 336.11/789.01, prevíase unha subvención ao Bispado de Ourense, por importe de 6.000,00 euros, para rehabilitación do tellado da Ermida de San Pablo en San Paio no termo municipal de Maside.

Unha vez vista a solicitude formulada polo representante da mencionada entidade, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención á Diocese de Ourense, nos seguintes termos:

-Importe: 6.000,00 euros.

-Obxecto: rehabilitación do tellado da Ermida de San Pablo en San Paio no termo municipal de Maside.

-Xustificación: a subvención xustificarse mediante a presentación da conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e o artigo 75 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente.

Acta da Xunta de Goberno correspondente á extraordinaria do 11 de agosto de 2017

De acordo co establecido no artigo 16 da Ordenanza xeral de subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 31 de outubro de 2017.

6.- APROBACIÓN DE SUBVENCIÓN Ó CONCELLO DE CASTRELO DO VAL.-

No Pleno, con data 28 de abril de 2017, acordouse aprobar o expediente n.º 2/2017 de modificación das bases de execución do orzamento correspondente ao ano 2017, figurando con cargo á aplicación orzamentaria 450.12/762.01 unha subvención nominativa, por importe de 20.000,00 euros, a favor do Concello de Castrelo do Val, para reparación de danos causados polo temporal nas plantacións de castiñeiros.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello de Castrelo do Val, para reparación de danos causados polo temporal nas plantacións de castiñeiros, nos seguintes termos:

-Importe: 20.000,00 euros.

-Obxecto: para reparación de danos causados polo temporal nas plantacións de castiñeiros.

-Xustificación: A subvención xustificarse mediante a presentación de certificado expedido pola persoa que teña ao seu cargo o desempeño das funcións de intervención do

Acta da Xunta de Goberno correspondente á extraordinaria do 11 de agosto de 2017

concello beneficiario, no que se acrediten respecto a actuación subvencionada, os seguintes extremos:

1. Que se cumpriu a finalidade para a que foi concedida a subvención.
2. Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
3. Que as persoas ás que se entreguen as plantas e o material para tratar os danos nos castiñeiros, deberán coincidir coas que figuran na relación de propietarios afectados presentada coa solicitude de subvención.
4. Que a xustificación da subvención concedida acada o 100% do importe do proxecto que serviu de base para a concesión da subvención, indicando, en caso contrario, a porcentaxe que supón.
5. Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza xeral de subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 30 de outubro de 2017.

7.- APROBACIÓN DE SUBVENCIÓN Ó CONCELLO DA GUDIÑA.- No Pleno, con data 27 de xaneiro de 2017, acordouse aprobar o expediente n.º 1/2017 de modificación orzamentaria do orzamento xeral para o ano 2017, figurando con cargo á aplicación 450.12/762.01, a cantidade de 8.905,00 euros, a favor do Concello da Gudiña, para cofinanciamento de servizos enerxéticos.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello da Gudiña, para cofinanciamento da obra de mellora da iluminación pública do Canizo, incluída nos servizos enerxéticos do Concello da Gudiña, nos seguintes termos:

Acta da Xunta de Goberno correspondente á extraordinaria do 11 de agosto de 2017

-Importe: 8.905,00 euros.

-Obxecto: obra de mellora da iluminación pública do Canizo, incluída nos servizos enerxéticos do Concello da Gudiña.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do concello beneficiario, no que se acrediten respecto da actuación subvencionada, os seguintes extremos:

1.- Que se cumpriu a finalidade para a que foi concedida a subvención.

2.- Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.

3.- Que a xustificación da subvención concedida acada o 100% do importe do proxecto que serviu de base para a concesión da subvención, indicando, en caso contrario, a porcentaxe que supón.

4.- Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza xeral de xubvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 31 de outubro de 2017.

8.- APROBACIÓN DE SUBVENCIÓN Ó CONCELLO DE SAN XOÁN DE RÍO.- No Pleno, con data 30 de setembro de 2016, acordouse consignar no orzamento xeral para o ano 2017, e con cargo á aplicación 450.12/762.01, a cantidade de 15.000,00 euros, a favor do Concello de San Xoán de Río, para o acceso á aula da natureza.

Posteriormente, no Pleno do día 30 de xuño de 2017, acordouse aprobar o expediente n.º 3/2017 de modificación orzamentaria, no que se propón o cambio de finalidade da dita subvención, para “beirarrúas en rúa O Campo”, de acordo co escrito do concello de data 10 de abril de 2017.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na

Acta da Xunta de Goberno correspondente á extraordinaria do 11 de agosto de 2017

lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello de San Xoán de Río, nos seguintes termos:

-Importe: 15.000,00 euros.

-Obxecto: beirarrúas en rúa O Campo.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do concello beneficiario, no que se acrediten respecto da actuación subvencionada, os seguintes extremos:

1.- Que se cumpriu a finalidade para a que foi concedida a subvención.

2.- Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.

3.- Que a xustificación da subvención concedida acada o 100% do importe do proxecto que serviu de base para a concesión da subvención, indicando, en caso contrario, a porcentaxe que supón.

4.- Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza xeral de subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 31 de outubro de 2017.

E, ás nove horas e vinte minutos, do referenciado día once de agosto do ano dous mil dezasete, a Presidencia dá por rematada a sesión da Xunta de Goberno, e redáctase esta acta, que se asinará segundo o legalmente establecido.

O PRESIDENTE,

O VICESECRETARIO,